

續修廬州府志卷四十八

花翎道銜江南安徽廬州府知府清泉黃雲總修

武功傳二

國朝

鄭能合肥人明時武安侯亨裔孫起家行伍康熙辛丑從征臺灣攻鹿耳門奪礮臺恢復安平鎮又從南澳總兵戰蘇厝甲克臺灣叙功加四等雍正癸卯大挑功臣授藍翎侍衛旋任河南南府守備累官萊州營參將以病休乾隆丙子奉

旨歲賜銀米追恤前功

舊志

董金鳳字向桐合肥人申乾隆戊戌一甲三名武進士

續修廬州府志

卷四十八

武功傳三

以待衛任河南歸德營參將乙巳夏柘邑飢民搆亂金鳳率數十騎勦平之擢福建興化營副將收降洋匪翁泉等署福甯鎮總兵南澳素多盜金鳳焚其林木匪船無所匿自是兵民安堵稱爲樂土旋調臺灣副將值嘉義兵警金鳳勦之誅其渠魁地方綏靖以病卒於官舊志王基字維則合肥人孝義能文章熟諳韜畧膽力過人年弱冠舉康熙丙午武鄉試入都會試兵部尙書梁清標異之擢合隨部學習丙辰成進士殿試技勇第一以父艱歸起大嵩衛守備晉階都司在任抑權貴輯兵民屯政具舉士民戴之縣志

張至幹字琴六合肥人乾隆甲辰進士授戶部主事善

折獄旋擢員外郎遷郎中出守四川夔州府時逆匪滋擾兵未集至幹募鄉勇率員弁殲其渠魁復與文武分門扼要隘晝夜防守逆匪不敢犯從蜀帥勦川匪王三槐等於雲陽縣臨陣俘獲自軍興兩年夔府屬邑俱遭蹂躪至幹隨機防禦招徠撫卹甚爲諸帥倚仗以積勞致疾卒年五十一蔭子坦縣丞

康熙志

黃化合肥人乾隆庚午科武舉人任雲南曲靖鎮守備從征緬甸賊據萬仞巨石銅壁三關化力戰奪萬仞巨石時日已暮化料賊必來刼營整兵待之賊果至開壁出戰賊駭奔遂乘勝奪銅壁關要隘次年攻取新街滇省兵奉調者多染病不進率師者疑爲逃將罪之化查

續修廬州府志

卷四十六

武功傳三

二

給病照全活甚多累遷尋霑營叅將卒以染瘴歿於營

中縣志

吳尙禮字履中合肥人乾隆辛未科武進士任湖北守備累官至福建福州城守副將以疾歸居家恪謹鄉閭

推重焉

縣志

龔作楫號予修合肥人廩生明爽有才氣喜任事以義俠著聞咸豐二年皖省陷粵匪侵軼及廬境作楫素爲西北鄉人望所歸乃率先辦團練治土匪其規畫以除莠安良爲主先出粟以貸良善再以土匪煽亂者白於廬州府以次擒斬之馭勇以嚴整威旣立令以行其率勇出隊也恒敢戰敢進攻悉力捍禦屢奪要隘巡撫福

濟上其功保訓導疊保教諭由是作楫練勇之名震一時歛人兵部侍郎王茂蔭在都供職聞之以與李鶴章蒯德模並稱保任可大用厥後李蒯佐平吳以名將循吏顯而作楫已於咸豐七年勞積病卒矣巡撫福濟惜其才爲之奏請奉

旨贈國子監學錄銜廕一子入監讀書照軍營立功後病故例

議卹入祀本籍昭忠祠孫心鑑已卯舉人

縣志 通志 王茂蔭奏議

劉盛瑞字子璞合肥人英毅有至性年十四攜錢隨父兄避寇道相失越三日歸饑甚納所攜錢於父問何不以貫食對曰父兄皆未必食何忍獨飽年十八隨叔父銘傳赴上海金匱之戰於重圍中翼其兄東堂以出歷

續修廬州府志

卷四十八

武功傳三

三

克江南諸城累功授副將同治四年渡淮勦捻戰於龍渙率騎衝突賊圍衣袴皆洞穿續榆壽光之役追賊三晝夜力戰於荏平捻逆肅清以功洊至提督加斐凌阿

巴圖魯八年駐防直東卒於軍年二十六

縣志

李昭慶號幼荃合肥人贈大學士伯文安之第六子也少通經史博學能文持躬端正文字得雄直氣入貲以員外郎從戎隨兄瀚章鴻章在江督曾國藩幕中講求兵法同治元年冬粵匪李秀成犯淮南冀解金陵圍國藩留新募淮軍銘慶盛樹鼎五營防守廬江無爲奏派昭慶統領賊屢撲城均擊退昭慶讓功不居爲國藩所重二年五月江蘇軍事方急其兄鴻章檄昭慶添募護

軍三營率赴上海益以春字五營七月會銘慶等軍進
攻松江府楓涇鎮克之嘉興平湖乍浦賊眾數萬來援
復越境合擊之遂克西塘鎮又攻克干窑獲偽渠施得
桂汪敬之等斬斃悍賊四五千名踏破石壘土營十餘
座及叙功昭慶與兄言請叙諸將而置已勿叙兄爲改
捐道員會兄鶴章統前敵各軍進攻蘇州無錫賊援大
至昭慶移軍常昭以顧後路屢抽隊會勦蘇賊茅塘橋
紅山黃埭齊門外之戰擒斬最多十月克復蘇州昭慶
仍請勿叙獎三年正月嘉興賊廖某遣黨赴營投誠昭
慶察其情真留朱開泰一營守常熟虞山自率軍與潘
鼎新劉秉璋會受其降事未定丹陽常州援賊六七萬

續修廬州府志

卷四十八

武功傳三

四

循江內竄分圍江陰無錫常昭三城常昭守兵千人勢
不支昭慶得報抽軍回救分提督張紹棠一營守太倉
增調魁字三營春字二營赴常昭南門外令循河岸而
進自入城率守兵啓北門夾擊賊退虞山之西適鶴章
援軍與淮揚水師并至四面兜勦賊奔潰城圍遂解賊
歸路爲我軍紮斷猶遁踞楊舍一帶三月鴻章調集開
奇各軍與鶴章昭慶分路出擊昭慶一晝夜追至江陰
青陽鎮擒斬賊淨盡奏報中始叙昭慶名仍未爲請
獎旋因痰咳病發辭軍事國藩克復金陵奏昭慶前勞
奉

旨賞戴花翎四年五月國藩督師勦捻奏調昭慶隨征稱其英

毅妥練亞於諸兄將來亦可獨當一而先委接辦營務帶英樸四營後統領松鳳桂親兵萬餘人逐賊於山東河南湖北安徽等省馳驅數千里屢獲勝仗至鴻章接辦捻務閣任賴於運東昭慶已分六千軍與提督郭松林僅帶四千兵認防韓莊以下河路深溝高壘晝夜督防心力交瘁賴汶洸擊敗南竄昭慶尾追數百里不令息足卒得生擒於揚州并解散數千人事平奉

特旨簡用鹽運使昭慶因氣痛病發汰遣所部留精銳歸他將回皖就醫馬新貽總督兩江以防軍多昭慶舊部奏辦淮軍營務昭慶在軍嚴而有恩戰守有法與士卒同甘苦故能得士心每戰輒勝十一年請咨北上至天津疾

續修廬州府志

卷四十六

武功傳三

五

作養疴鴻章行署因軍營積勞已久醫治罔效十二年六月初三日卒於天津年三十九兩江總督李宗羲江蘇巡撫張樹聲會奏照軍營立功後病故例從優議卹贈太常寺卿銜並廕子入監以知州用昭慶平居手不釋卷著

有補拙齋詩文集

奏案 李家乘

劉克仁號復齋合肥人士發長子性樸質而沉毅有大志喜結納士發殉難時克仁聞信從一奚奴間道走太湖四晝夜得父藁葬所負之以歸而葬諸先人之墓自是益憤以殺賊復仇爲志聞者壯之初投銳勇軍爲百夫長咸豐八年擊賊蘆橋並援勦六安獲勝保五品藍翎儘先把總時隸甘肅永固協鎮朱淮森麾下暇日與

論兵事目爲將才嗣銳勇遣散同治元年蘇撫李鴻章赴滬勦賊克仁從張樹聲帶隊轉戰大江南北所向有功洊擢至提督並戴花翎四年前廣西右江鎮張樹珊渡淮勦捻令分統三營兼辦營務五年十二月德安之役率軍先扼新家關要隘樹珊戰歿馳援不及奉

旨謫戍軍臺是時各路捻氛方熾直隸提督劉銘傳素重克仁材武以將才難得於統帥前屢請之鴻章乃奏留助勦蒙

旨俞允遂令分統銘宇左軍六營克仁感激思奮每戰必先黃安贛榆壽光荏平等處大捷勦滅東西股匪多立首功先後奉

續修廬州府志

卷四十六

武功傳三

六

旨免罪並記名總兵提督

賞穿黃馬褂及法什尚阿巴圖魯名號克仁大小百餘戰屢被創常有奇緣得免於難指畫將畧動與古合遇敵尤有堅忍之操及戰恒一以當百所向披靡故諸將咸聽其指揮人人自奮八年統軍駐防山東張秋鎮殫心訓練賞罰明允積勞成疾請假旋里未逾月而歿事聞照提督立功後在營因傷身故例議卹

予謚武毅崇祀淮軍昭忠祠以弟子昌恩爲嗣襲世職養子昌

福中光緒己卯武舉

采訪冊

丁德昌號福田合肥人咸豐七年在本省帶練助勦踏破六安東鄉三十里埠賊壘安撫福濟賞給行營把總

十年壽州解圍以把總拔補秋冬助守六安漕督袁甲
三賞給行營千總同治元年隨淮軍赴滬幫帶銘字正
營攻克柘林奉賢南匯川沙青浦各城擊退虹橋大股
逆賊擢守備並戴藍翎旋復嘉定並解北新涇四江口
兩次之圍以都司用二年克復常昭固守解圍又節次
收復太倉鎮洋崑山新陽吳江震澤福山楊舍等城及
擊退江陰無錫交界大股援賊保加游擊銜換花翎三
年正月常鎮道潘鼎新檄調幫帶鼎字左營七月在湖
州東鄉晟舍迭次苦戰攻克晟舍等處賊壘大獲勝仗
又克復蘇省及江陰無錫金匱等縣楓涇西塘平望等
鎮並平湖乍浦海鹽迭次解圍歷保副將並給猛勇巴

續修廬州府志

卷四十六

武功傳三

七

圖魯名號四年二月管帶鼎字左營克復宜荆溧陽嘉
常等城及調援江陰常熟無錫力戰解圍截勦楊舍金
壇竄賊保總兵五年三月因病交卸鼎字營務十二月
安撫英翰檄調隨營差遣七年東南軍務肅清加提督
銜嗣經提督劉銘傳調赴銘軍勦辦營務六月二十三
日湖廣總督李鴻章檄辦銘軍後路防務兼辦陽穀聊
城二縣團練防守運河二十六日捻逆張總愚被勦窮
蹙竄撲周家店七級一帶長牆督率守牆隊伍轟擊兩
晝夜賊始敗走二十八日追勦至高唐州陶家橋一帶
撲滅捻逆全股擢提督旋幫統銘軍先鋒馬隊各營九
年西征赴陝復經大學士李鴻章調赴天津帶樂字馬

步等營駐滄州勤督操防以積勞病卒於營次

采訪冊

鄭國榜字舟臣合肥人父世才學賈咸豐初粵匪竄擾江浙鄉人集團守禦舉世才爲團首國榜兄弟五人從之世才歿咸豐十年國榜率弟國忠等從戎隨同大隊防勦出力同治元年管帶江蘇撫標親兵水師後營歷克蘇浙皖各府州縣等城四江口之被圍也賊隊麤集鎗炮如雨親督師船戰守十五晝夜圍始解進攻蘇郡婁門賊壘左腮頰被賊鎗傷子透骨損猶手揮士卒進卒平賊壘克其城旋帶魁字左營抵常州西門戰旬日不懈子傷右乳及臂越七日裹創攻城城破奏免騎射五年管帶魁字前營調紫山東迎勦捻逆六年任賴兩續修廬州府志

卷四十八

武功傳三

八

股肱清游保提督並換花翎

賞精勇巴圖魯名號及一品封典七年任江甯城守左營守備十三年調充直隸督標行營中軍光緒五年統領直隸督標親兵水師中營並辦海防事宜嗣以積勞病卒於營次十一年經直督李鴻章奏請奉

旨廕卹弟四國忠總兵國謨總兵江西撫標中軍參將國祥總兵江蘇松江城守營游擊國棟同知銜留蘇卽補知縣勞績均相等

采訪冊

張景星號慶齋合肥人弱冠卽有膽畧咸豐間粵賊逼郡城慨然以殺賊自任號召義勇戰必身先嗣隨袁甲三曾國藩李鴻章轉戰數省殺悍賊奪要隘所向有功

並隨胞兄景春勦辦髮逆衝鋒陷陣不避艱險援蘇時
掖放大鐵礮轟燬賊壘數座圍攻湖北黃陂縣首先登
城身受槍子重傷數處幾殞命歷保花翎副將並二品
封典同治十一年在直隸幫辦營務傷發身故奉

旨給雲騎尉世職准祀京師及本籍昭忠祠

采訪冊

劉東堂字子維號冕卿合肥人銘德子幼有至性力學
苦志咸豐六年歲荒父母病乏食近地無粟取簪珥往
百里外易米負歸以供饋粥二親乃安腹常餒讀無倦
容父歿哀毀骨立同治元年佐叔銘傳破賊於江淮燕
豫晉楚間屢建奇功在軍每以嗜殺爲戒所活甚多克
常州時有新降賊誤發洋鎗中其足脛左右執之東堂

續修廬州府志

卷四十八

武功傳三

九

曰彼出無心何殺爲釋之克城所獲賊巢婦女封鎖一
室事定皆按戶放歸八年以升用道候補知府需次鄂
省購義地於永隆河掩埋忠骨倡議建淮軍昭忠祠值
隨州棗陽地方亡命結黨數萬人白晝劫殺東堂往訪
之攜一僕微服潛行入賊巢探其情僞復夜馳九十里
率師討之僅誅首逆焚名冊餘眾遣歸是年十月聞胞
弟盛瑞歿請歸治喪或言勿去當蒞任東堂嘆曰豈有
富貴重於手足乎歸以慰親心旋議建劉氏義莊漢口
大火被焚者百餘家捐貲賑之光緒元年辦沙市釐務
時奉迎安南象差路過松滋縣聞婦人哭甚哀問之則
曰象差過境胥吏勒索差費家貧無錢夫與子俱繫獄

東堂卽到縣署語令速釋良民重懲胥吏之貪肆者光緒二年五月二十日卒年四十有七著有將就山房詩

集採訪冊

吳秉權號平甫合肥人同治二年在淮軍鼎字營幫辦營務隨勦江蘇松江府各城踞賊三年由監生同知銜通判帶隊先後克復嘉興湖州解蘇省江陰無錫金匱各城之圍並復宜荆溧陽等處洊保花翎知府加三品封典四年奏調北援赴津勦賊五年在山東河南等省屢立戰功六年抄勦任賴捻匪勦滅淨盡七年張逆由陝竄直奉調北援督隊進勦全股肅清奏入

賞績勇巴圖魯名號以道員留山東加按察使銜十一年會辦

續修廬州府志

卷四十六

武功傳三

十

天津賑務十二年總理天津海防營務監修海口礮台加布政使銜光緒四年督辦山西東陽關轉運晉賑事宜山西巡撫曾國荃奏請交軍機處存記錄用五年調赴東省查辦北運河總理山東營務八年卒於山東防

次採訪冊

李鶴章字季荃合肥人廩貢生賦性孝友尤尚信義儻有智畧年少力學博通經史文名噪一時弱冠屢應鄉試以額滿見遺遂棄舉業益究心經世之學粵賊起天下震動鶴章思廬郡當江淮衝要夙爲用武之地爰練習兵事聯絡同井義士以資捍禦咸豐三年賊由鄂犯皖所在土匪起乃預謀之守令請編東北一鄉民團

曰保和以勦爲防時有夏村土匪夏金堂殺牛聚眾掠被難婦女潛結皖監逸犯定遠逆匪陸遐齡約次日舉事鶴章偵知之乘其未發夜率練勇百餘人親往圍其村奮前掩捕格殺夏金堂父子凡四人散其黨千人並於鄉間增立團防編降眾以堵外匪居民因得安堵兵部侍郎王茂蔭在京保奏奉

百褒嘉

命大吏委帶練勇助官軍勦賊隨同搜捕陸遐齡餘黨署撫周天爵保奏獎六品銜會其父刑部侍郎中文安方奉

旨回籍督辦團練至臨淮鶴章以練勇數百人往隨四年冬從克無巢加五品銜以州同用九年侍郎曾國藩調赴湘

續修廬州府志

卷四十六

武功傳三

十一

營管理文案預籌策十年湘軍圍安慶國藩以鶴章熟悉淮北情形令隨其弟國荃辦賊鶴章每日騎而出覘望賊情夜治理軍書恒達旦旋從其長兄瀚章贛南道任統贛南防勇解甯都州圍復吉安府擊退湖南援賊以功保湖北知縣換花翎同治元年曾國藩檄鶴章帶馬隊由廬漆募親兵千人繞淮揚下河由海門渡上海從其次兄鴻章勦賊時前敵各營無所統攝咸願歸鶴章調遣乃奏派督辦前敵爲淮湘各營總統苦戰松滬間拔李長樂於松營親兵中立賞花翎都司力保劉銘傳赴前敵督鍾邦嘉周盛傳鳧水破賊石壘四其知人善任如此滬防肅清奉

特旨詢問四江口之捷李鶴章功與程學啓相符命一例請獎
鴻章爲疏謝二年二月奉

旨以鶴章戰功卓著

賞加四品銜以知州用常昭守賊駱國忠董正勤於甲寅鶴章
攻臨淮土匪時曾充當義勇因之反正會軍攻太倉受
降臨城傷左髀急出帶小洋鎗五連環轟擊斃賊目九
人乃得脫於險歸營調度卒攻復太倉迭下崑新縣城
進駐常昭大破援賊分兵攻江陰親臨前敵克其城擊
散常州援賊移屯大橋角以逼蘇州奉

旨賞加三品銜以知府用會兵攻破李秀成大股於大橋角周

壽昌自圍中冒死出毀其所奪炸礮輪船大橋角之營
續修廬州府志 卷四十八 武功傳三 十三

得無事蘇州復後移軍圍無錫金匱調各營分道堵截
十一月復之擒僞渠黃子澂父子殲賊無算留四營守
城發城中所遺米賑濟流民並捐數千金購麥種分給
之進圖常州有饑民數萬自城中出將就斃復以蘇城
所存糧賑之不足捐重金以濟自是常民得少蘇息矣
奉

旨以鶴章督軍攻勦克拔堅城交軍機處以道員記名旋派隊
燬平常州城外賊壘援奔牛營燬飛而復來輪船解營
圍三年二月拔荆溪宜興二城定溧陽破援常之賊復
揚厘泚城乘勝踏毀常州城外賊壘製浮橋爲攻具率
軍士緣梯而登復常州府城執僞渠陳坤書等磔之奉

旨以鶴章親冒矢石奮勇爭先

賞穿黃馬褂以旌勞勩又分軍助攻浙之長興皖之廣德建平

皆下之江浙肅清因傷疾發假歸調理曾國藩札發

御賜獎武金牌一面未幾補授甘肅甘涼兵備道時曾國藩接

辦勦捻軍務爲之奏開原缺留營總理淮湘水陸全軍

營務鶴章以母老思侍養從至清江上平捻十策力請

調銘盛二軍援雉河解其圍爲淮軍勦捻第一功以宿

疾復發乞歸遂不出時廬郡瘡痍未復權寓皖垣然於

本籍善後要舉悉力倡辦如創立合肥各鄉社倉義學

重建文廟武廟文昌城隍火神各祠考棚書院各要工

廬陽書院旣興復手定課章延院長重葺廬州府志捐

續修廬州府志

卷四十八

武功傳三

三

修城鄉各橋遇災歲輒輸穀贍族光緒五年以晉災勸

捐鉅欸

賞加二品銜六年十二月舊傷發腫疾終皖寓陝甘總督曾

國荃兩江總督劉坤一先後奏聞奉

旨准於立功地方建立專祠並將事蹟宣付史館立傳安徽

巡撫裕祿復據合肥紳民公稟奏請得

旨准於合肥捐建專祠由地方官春秋致祭

奏案
咨文

張爾蓋合肥人咸豐三年隨其兄原任兩廣總督樹聲

右江鎮樹珊團練鄉兵捍禦閩里同治紀元樹聲樹珊

募建樹軍赴滬勦賊軍中應需一切皆爾蓋購運接濟

自轉戰江浙以至鄂豫直東等省恃以無乏累保花翎

鹽運使銜山東知府九年其弟今太原鎮樹屏由里募樹字新軍赴晉防河軍裝儲峙爾盡復爲料理旋於山西河防案內叙功以道員留東補用在籍病卒采訪冊王德成合肥人同治間從蘇撫李鴻章統帶武毅右軍佐平吳會追賊贛榆斃擒渠任柱疊克城隘爲淮軍勁將

賞勁勇巴圖魯提督同治十三年航海援臺灣日人懾其威收伏生番迭克獅頭等社功垂竟而傷病復發光緒初元卒於臺營中以百戰宿將死於瘴癘論者惜之得

旨優卹

子謚果敏廕一子時恩六品官

采訪冊

續修廬州府志

卷四十六

武功傳三

古

張光亮合肥人驍勇善戰初投銘軍効力轉戰江浙皖鄂等省每陣必先遞克名城嗣勦捻直東之交窮追截擊立功尤著歷保記名提督揚勇巴圖魯光緒元年從提督唐定奎統帶武毅左軍進勦臺灣甫抵臺境卽同王德成周志本先率七營扼紫東港枋蔡南勢湖枋山等處時逆番同惡凡十二社恃險相抗光亮奪路登山直攻竹坑社指揮軍士一鼓而進立斃逆首遂克之又進克龜紋社所屬本武社擒斬無算旣得兩社益奮勇前往誓掃逆氛會山深盛暑疫癘流行諸將死亡相繼光亮竟以積勞感病卒於營次事平經統帥沈葆楨奏奉

諭旨予謚准建專祠事蹟宣付史館立傳而先後病歿之統帶右軍前營提督李常孚管帶右軍後營副將胡國恒營務處兼帶左軍知府田勤生及首先陣亡之銘中營哨官游擊束維清亦得一律仰邀

恩施云

采訪冊

鄭海鰲字立峯合肥人道光庚子武舉辛丑會試未第考選以衛千總用考驗收標咸豐二年正月粵逆竄陷皖省廬州震動在籍倡辦團練得給五品頂戴隨候選知府李元華督帶練勇克復太湖以功保守備並戴花翎九年十一月帶勇克復霍山縣保都司加游擊銜同治元年隨前江蘇巡撫李鴻章赴上海攻勦粵逆於克

續修廬州府志

卷四十六

武功傳三

五

復柘林南滙等處案內以功晉叅將留兩江儘先補用九月回皖招募淮勇適忠逆大股撲圍廬江奉調援勦力戰九晝夜始解重圍旋赴上海隨攻克新涇四江口游保總兵三年署理蘇松鎮總兵兼上海右營叅將四年統領上海教練鎗炮各營隨克宜荆溧陽嘉常等城得給從一品封典旋以彈壓海運漕糧船隻事竣以提督記名簡放並加振勇巴圖魯勇號給正一品封典光緒元年直督李鴻章調赴天津辦北洋海防督操親軍馬步鎗炮巡防六載暑寒不稍懈積勞成疾六年十一月歿於天津海防營次年六十三奉

旨交部照例從優議卹

采訪冊

周盛傳號新如合肥人少負膽畧見義必赴以勇俠著聞咸豐初粵逆擾皖盛傳偕胞兄盛祐盛波起辦鄉團築堡練兵與張樹聲劉銘傳相爲犄角值偽酋陳玉城陳得才等大股悍匪麇至盛傳以少擊眾屢獲大捷同治元年今大學士李鴻章督師赴滬盛傳以六品藍翎隨總統淮軍李鶴章帶隊東下是年七月率師攻克青浦八月回援上海擊敗偽酋譚紹洸之眾於北新涇九月攻克嘉定復會諸軍解四江口之圍二年二月攻克太倉州城先是賊目蔡元濇獻城僞降我軍倉猝中伏盛傳以嚴兵殿後賊不敢逼七月攻克江陰縣城十一月攻克無錫縣城生擒僞酋黃子濇父子乘勝進攻常續修廬州府志

卷四十八

武功傳三

其

州受砲子傷甚重二年春常州守賊陳坤書出竄揚庫以擾官軍後路盛傳抽隊回勦盡殲之復率所部踰毀城外賊壘逕薄城下與賊搏戰砲石如雨頭面均受重傷昏暈竟日猶裹創強起與諸軍併力猛攻奮勇先登遂克常州府城旋移紮溧陽收復廣德敗賊於湖州徽州之交積功洊保花翎記名提督拉理巴圖魯江浙既定而捻逆大股由楚甯英霍盛傳奉調渡江迎勦四年解雉河圍遂獲奇捷五年三月連敗賊於考城鉅野城武荷澤等處拜翎管撥指刀鏢荷包之

賜尋擊牛落洪於亳州龍王廟大破之又解柘城圍六年二月

奉

旨補授廣西右江鎮總兵四月蹙賊於信陽之譚家河斬馘逾萬旋由豫入東轉戰至江蘇徐海賊勢漸衰東捻旋即肅清而西捻張總愚一股蔓延河朔七年盛傳從李鴻章領軍北上追賊於直東豫之交屢有斬擒五月賊竄吳橋盛軍時駐毛家莊偵賊將至設伏狙擊大破其眾乘夜追至德州之楊丁莊四面合擊陣斃張逆之姪張三彪生擒逆首李老懷及大小賊目西捻不復能軍遂以殲滅九年鴻章督師赴陝盛傳勦平北山股匪未幾移軍駐直調補天津鎮總兵創築新城仿造洋式炮台以實後路又於津東之新農鎮至大沽海口創開新河九十里分闢支河十數條上接南運滅河又於滅河兩

岸多開溝渠以便農民引灌其新農鎮以下又開橫河六道添建橋閘三十餘處分運河盈漲下滙海潮借淡刷鹹一變從前斥鹵之舊營成稻田六萬餘畝沿海一帶畎澮交錯樹木成陰蕪可止戎馬之足由是瀕河兩岸可墾田地不下億萬畝居民賴之工作餘暇日以教練爲事而於西洋後膛槍砲尤能深窺秘奧手著操槍章程訓勉弁勇每合各營打靶據其優劣捐廉獎賞以故士自濯磨技精器利爲各省防軍之冠盛傳治軍以不擾民爲主駐軍之處紀律肅然秋毫無犯常短衣匹馬巡視各營與士卒同甘苦醫藥有資葬有費以是人憚其嚴蕪感其惠比歲游飢集將佐捐資設廠賑粥遠

近窮民全活無算又嘗與胞兄盛波捐置義莊義學費資鉅萬以惠族人性尤篤孝同治十一年由津假旋適值母病刲股和藥以進既回防屢以親老乞歸因畿防重要不克行光緒八年擢授湖南提督感激

恩知益思自効然頻年在營積勞過久觸發傷疾甚劇稍瘥則強起任事如初十一年夏丁母憂

賞假百日回籍治喪盛傳甫抵里哀慟過甚牽發舊傷嘔血數升遽殞經直督李鴻章奏請奉

旨照提督軍營病故例從優議卹事蹟宣付史館立傳並子謚武壯准在安徽及立功省分建立專祠奏案采訪冊

祝萬壽號輔之廬江人順治五年以薦舉茂異授江西續修廬州府志卷四十八武功傳三六

德化知縣時寇逆叛亂萬壽曉暢兵機改官饒州營千總陞守備分鎮南昌兼轄銅鼓營管游擊事康熙甲寅賊復起當事稔其才檄爲信州貴溪都統軍令嚴明上清等處地方賴以安堵居平性耽山水歷官江右四十餘年暇則與二三名士宴遊賦詩有石刻詩句卒贈定

遠將軍采訪冊

劉世勳廬江人原名世斗弟紹勳原名紹斗康熙十五年隨父承恩討吳三桂有功授世勳隨征副將紹勳隨征監紀同知每戰先登十八年與父承恩恢復永清等處未幾兄弟皆卒於軍縣志

王良駿字穆齋廬江人以父承業死事廕守備康熙癸

卯任蘇松鎮標左營守備升奇兵營城守游擊

聖祖仁皇帝南巡召見

賜御書吳山詩調補福建興化城守左營遊擊六十年臺賊朱

一貢倡亂良駿會兵進勦入鹿耳門抵七鯤身再戰皆

均雍正六年調陸路後營遊擊致仕歸卒

縣志

張拱字能五廬江人乾隆壬申武舉以材技選兵部運

羊西域補陝西柳樹澗守備累官定邊副將時甘肅逆

回滋事調靜甯新營辦理卡站招募新兵悉中機要以

老乞歸望吏議發往烏魯木齊効力派管鐵場三年所

獲鐵溢於正額復補河間府副將乞休歸卒年八十一

舊志

續修廬州府志

卷四十六

武功傳三

九

潘國揚廬江人驍勇善戰同治初隨江蘇巡撫李鴻章

轉戰江浙兩省迭克名城江浙既平移師勦捻逆於山

東直隸等省身先士卒所向克捷中原肅清積功累擢

記名提督給勇號

賞穿黃馬褂光緒初直督李鴻章以國揚強毅樸誠不避艱險

調赴天津辦理海防國揚因地制宜備禦有法以舊傷

復發卒於營次得

旨照提督立功後軍營病故例議卹

賜卹銀二百五十兩

遣官讀文致祭廕一子以六品官錄用

縣志

吳長慶號小軒廬江人父廷香起團禦賊以鄉兵復廬

江縣城巷戰殉難事見忠義傳長慶少岐嶷以敏慧著聞然秉質羸弱多疾家貧隨父館於外父憐之不堪責以舉業長慶顧肫篤嗜學尤喜讀易每索一解洞一義危坐終日及隨父在危城中以兵食無措爲父奔走乞糴出入榛莽之交日必數百里不爲苦又以奉母艱食除日不能得脫粟自鄉至城晝入夜出以爲常會大股賊至以父命請援於巡撫福濟得五百人至不足堵賊又以父命乞援於提督秦定三未至而城陷廷香殉難長慶號泣求父屍未得則計日引刀剗膚以自罪卒得父屍以葬旣葬卽專以殺賊復讎爲事當事爲之奏請襲雲騎尉難廕命司皖北團練江督曾國藩復安慶尤

重長慶令與王占魁等收復廬江及三河鎮同治初元江蘇巡撫李鴻章督師滬上長慶募勇以從所至有功二年令長慶回籍增募勇丁適僞忠逆自金陵竄江北江督曾國藩飛檄留長慶駐營守城賊撲廬江長慶慨然曰此吾先人殉節之所也又桑梓邦今賊至敢不勉遂以全軍駐城下相機迎勦大破之廬江得無恐率師至滬上隨大軍進勦虹橋之戰悍賊十萬鋒銳甚巡撫李鴻章親督戰長慶苦戰方少息鴻章後至以策揮之起曰欲報先讎正在今日長慶怒馬衝賊陣諸軍繼之賊陣亂遂大獲奇捷三吳恢復基此一戰旣克柘林南滙金山奉賢等城移師入浙攻嘉興長慶以敢死士數

百人直薄城北堅壘下鎗子中左肘洞穿見骨血溢復
蘇仍裹瘡進戰卒平其壘要害旣得嘉興亦旋克並克
嘉善乍浦及湖州長興江蘇軍事定復統師勦捻於鄂
豫燕齊無敵不摧捻逆平以功累擢至提督給瑚敦巴
圖魯勇號

賞穿黃馬褂並戴花翎免騎射

恩錫正一品封典長慶治軍紀律嚴明謀畫精密能與士卒同
甘苦信賞必罰人樂爲用功成後不忘故業日作一文
諸經史無不通貫而易與春秋尤深嗜軍務旁午手不
釋卷輯有經史粹語嘗羨陸遜以大將還鄉舉秀才事
思舍官應鄉試其好學之肫篤如此中原底定疆吏以
續修廬州府志 卷四十六 武功傳三
長慶廉退少欲堅忍耐勞奏留駐防徐州豐沛蕭碭間
著名盜魁擒斬甚多移駐江浦濬河道築礮臺籌江防
諸臻妥帖補直隸正定鎮總兵仍留江南光緒六年授
浙江提督自江南防營入

覲奏對時

天語褒獎聞卿向來辦事認真不愧忠良之裔旋調廣東水
師提督奉

旨幫辦山東海防事宜移營駐登州

欽派會同查辦山東事件八年朝鮮國中有內亂分黨交訐
燬及日本使館日本以兵船駛入仁川朝鮮岌岌不保
時大學士李鴻章丁憂在籍署直隸總督張樹聲電報

謀將帥卽以長慶可任入奏

朝命長慶率師東渡便宜從事乃以輪舶濟師直抵其都驅除叛黨以計擒亂首徑送中國令所部擇要分駐以防變動從容宣布

天子綏藩服戡亂萌之意未逾旬日布置悉定事聞得

旨褒嘉給三等輕車都尉世職留軍鎮撫於時朝鮮積弱久因勸之募數營教以操練並爲籌自強持久之計十年長慶在防積勞久以疾聞奉

旨率三營內渡駐奉天金州防海五月卒於軍疆臣上聞朝廷軫卹照提督軍營立功積勞後病故例從優議卹戰功事蹟宣付史館立傳

續修廬州府志

卷四十八

武功傳三

三

賜葬銀二百五十兩遣官讀文致祭

予謚武壯立功省分准建專祠奏案咨文 采訪冊朝鮮國王並官民懷其威德亦建祠以祀焉次子保初以孝行得

旨旌表

賞給主事

采訪冊 縣志

潘鼎立字豫軒廬江人性沈毅有謀勇咸豐十一年在籍督團擊粵賊收復本邑三河鎮同治元年募勇隨蘇撫李鴻章赴上海屬其堂兄候選同知鼎新鼎字營中迭克奉賢南漚等縣解北新涇四江口圍二年克福山攻楓涇西塘二鎮克復常昭等處城池擊散江陰無錫兩縣大股援賊所至均有功又克浙江平湖海鹽二縣

三年七月進攻湖州鼎立身爲士卒先奪大石橋賊壘
左乳受傷復大戰三晝夜毀賊卡二次越河登壘拔屣
舍鎮乘勝克復湖郡四年五月因擒匪熾鼎立從軍航
海北渡以衛畿輔師次濟甯州轉戰獲勝五年春攻克
山東鄆城縣潘溪渡賊寨追至魚臺及豫省之杞縣戰
績卓著六年二月奉

旨授皖南鎮總兵時鼎立方回擊擒賊於江蘇之海州大勝之
收降馬賊又攻捻渠張總愚於山東滕縣日照膠州均
獲勝旋奉

旨留防滄河保衛畿輔七年春移防減河築壘進攻德平縣礮
斃賊目張同兒逼賊至信陽夜襲賊營殺悍黨百餘人

續修廬州府志

卷四十六

武功傳三

三

越日又集師勦惠民馬店踞賊斬殺逾千人擒渠張三
老鳳餘賊竄渡沙河督師追擊四十里直抵商河進攻
荏平逼賊太平河淹斃無算直東肅清九年赴皖南鎮
本任十年土匪關汶淮聚黨竊發犯建平縣鼎立輕騎
率兵練進勦之獲首要犯數人正法事乃定遂移駐甯
國巡緝操防暇輒周視山僻道里阨塞險夷規改營汛
四境肅然積功擢提督一品封典瑚松額巴圖魯勇號
光緒十年其堂兄鼎新撫廣西越南事棘調鼎立統率
所部出關備邊師次廣東省城以觸冒暑熱舊創復發
卒於軍事聞得

旨照提督軍營病故例從優議卹

縣志

王占魁廬江人素有勇畧父華好義舉占魁法之中咸豐壬子科武舉三年粵逆犯皖土匪四起占魁捐資辦團以衛一隅六年投効安徽軍營巡撫福濟委帶凱勇七年賊逼府城占魁接戰於荷葉地勝之遂解城圍八年攻克和州受重傷未幾巡撫翁同書調攻定遠之白爐橋復之以無餉散勇而歸十一年聞皖城復與弟純臣練勇逐賊於三河甫合圍援賊大隊至純臣陣亡占魁衝賊圍得出借舉人潘鼎新帶練復廬江縣城克三河鎮同治元年隨江蘇巡撫李鴻章至上海領親兵克復南匯青浦各城擊退虹橋大股賊未幾回籍募先鋒營勇甫成軍會巢縣失守江督曾國藩檄令權守廬江

賊撲城西北隅占魁率眾出血戰兩晝夜追至棲鳳嶺敗之斬其酋旋統所部至上海派隨編修劉秉璋營爲戰將紮涇涇攻楓涇西塘平望克之越境勦賊又克復平湖乍浦海鹽各城進攻嘉興府奪大德橋尹澧橋要隘功居最猛攻四安鎮旁復廣德州城軍行三省無阻乘夜潛渡太湖扼大錢口築壘礮子矢石交下不少卻未逾時壘成湖州踞賊奪氣程學啟爲一時名將獨亟稱占魁勇銳不置江浙肅清占魁駐軍松江府屬之唐橋捕太湖劇盜甚多地方以靖五年勦擒鄂皖豫之交殲任賴大股均在事有勞是年秋擒匪聚宿遷縣屬之洋河鎮數逾十萬侍講學士劉秉璋勦之占魁奮而前

以百戰精騎數十擊其衝十盪十決匪前者斃數十人
後者驟退劉秉璋稱占魁能以少勝多有古名將風及
援鄂省在雲夢同盛軍合擊獲捷六年夏在黃安東望
岡擒驍騎胡連發占魁愛其勇釋不殺更厚待之後深
得其死力一時謂占魁不徒勇敢乃能知人占魁既以
劉營名將積功洊升提督給雄勇巴圖魯名號益自奮
會傷發請回里省親未出光緒二年劉秉璋爲江西巡
撫奏調占魁統防軍駐吉安吉安近山多虎患占魁派
勇入山搜捕期盡以練其膽勇民害亦除其在本籍也
邑西十八里有橋當衝衢久圯占魁成父志重建之廬
江縣志久未修占魁出資延文士修之八年又捐巨金
續修廬州府志

卷四十六

武功傳三

五

建崇正書院於廬江之西北鄉工甫就而占魁以傷病
復發卒其子江西知府寢長續捐成之書院以興大吏
以上聞得
旨建坊旌獎十一年二月直督李鴻章據總兵葉志超中書
張盛典等稟奏請

恩施得

旨著照軍營立功後積勞傷故例議卹並准附祀王純臣專

祠奏案
咨文

陳畧字石友舒城人事二親先意承志愛敬兩兄庭無
間言性好學善騎射康熙乙未成武進士授蘄州衛守
備清屯裕漕恤災減派軍民使之設救生船於牛礮磯

建鳳麓書院置田延師贍課貧士士民頌之旋陞興化游擊輯兵安民如在蘄時嗣以疾歸里里中子弟有孤露多方教之不能婚嫁者資助之凡修學開河賑饑收溺骨諸善事皆倡先捐輸不少吝惜年六十八卒祀鄉

賢縣志

程學啓字方忠舒城人舒桐本聯界學啓祖墓多在舒後乃隸桐至學啓復返居於舒學啓幼孤負奇氣喜談兵讀書未成不好帖括粵逆犯安慶全家陷賊中賊渠陳玉城以其有材勇將重用之數亡去不果令助守省城遂爲官軍圖內應謀洩舍其妻子率八十餘人逕投曾國荃大營時曾貞幹方率湘恒營見其志趣忠勇與

續修廬州府志

卷四十六

武功傳三

三

兄國藩均優待之爲募千人俾領之學啓皖人在城久悉地勢獻計由西北門穴地道以轟城如其言咸豐十一年八月遂克安慶城守賊多殲保游擊復連克桐城舒城廬江無爲各城監鄂撫胡林翼方特奏擢花翎叅將別統一軍號爲開字營進攻三河會今大學士肅毅伯李鴻章撫吳開募淮軍以學啓淮人嫻韜畧商諸國藩調之同往上海同治元年官軍攻克青浦嘉定而僞渠李秀成以大隊至官兵撤退英法兵畏賊勢眾亦觀望學啓方奉巡撫令阨虹橋而悍賊五千餘已進漕河涇學啓亟發洋鎗擊倒衝鋒騎馬賊揮軍前後包擊敗之賊出不意猝當勁兵遂大潰散學啓始收隊駐營於

虹橋越四日賊自七堡來撲敗之乘勢克七堡賊壘將至泗涇賊突回撲又勝之五月由虹橋節節進屯圖解松江圍進駐泗涇僞目陳炳文部雲官糾悍黨五六萬分十二隊蔓延徐家滙九里橋抄越營後而悍賊畢萃於開字營填濠拔椿將登矣學啓手然劈山礮殪其先登者頃之援軍四集學啓望見旗幟方啓壘門一擁而出內外合擊賊不支棄械走乘勝合諸軍分三路進攻學啓與劉士奇由中路進泗涇踞賊二十餘萬咸潰退松江之賊亦聞風退卻以次收復南滙川沙奉賢柘林廳縣叙功晉副將并

賞加勅勇巴圖魯學啓率所部三營由北斡山進攻青浦克之

續修廬州府志

卷四十八

武功傳三

三

移軍入城八月賊目譚紹洸糾蔡賊黃賊大股分路兜圍官軍營壘北新涇之營危急時學啓方奉令調度各營及水師兵力愈厚自率一軍夜裹糧馳抵七寶街街南北各築五堅壘賊萬眾圍之不動迨各營援至始馳騎往來督戰復大勝之遂與滕嗣武郭松林合軍蹋平北新涇賊營壘十餘賊退往嘉定叙功擢總兵九月蘇崑杭嘉之賊又合股十餘萬連營攻四江口圍駐營學啓與李鶴章軍分道援之進石橋殺賊四五千明日復大戰巡撫李鴻章親領前敵學啓以六營兵當其右路胸受鎗子傷猶裹創力戰大軍水陸畢集賊死者萬餘四江口一帶賊壘數十里全空營防倍固奉

旨總兵程學啟遇缺提奏並加提督銜旋圍太倉克之鴻章以爲諸軍總統以萬二千人爲一軍進攻崑山新陽以中營鎗隊四百人燬石營復正義鎮要隘崑山踞賊譚紹洸眾數萬均出城奪路伏兵邀之大潰兩城立復奉旨授南贛鎮總兵吳江震澤兩城先後下賊右臂斷擢提督二年進圖蘇州學啟統水陸各軍屢敗援賊賊渠郜雲官等入酋誅譚紹洸反正遂克蘇州學啟以八酋十數萬眾欲分踞半城恐爲變誘入龔生陽營會宴弑殲之散其黨鴻章奏言學啟忠勇謀畧有古名將風兵不滿萬用兵如神每動一著卽制賊命奉

旨賞給雲騎尉世職并

續修廬州府志

卷四十六

武功傳三

三

賞穿黃馬褂三年正月學啟會同學士劉秉璋道員潘鼎新兩軍越境規嘉興府旣克平望破援賊迨逼城根冒矢石築礮臺學啟親然炸礮塌城垣十餘丈部將何安泰縋城中鎗殞學啟發憤痛哭奪其尸還復合水陸猛攻放開花礮轟蹋城垣學啟身先士卒亟登梯手刃數賊腦受鎗子傷絕而復蘇將士見主將受傷齊縋而上遂克嘉興斬劉得功臬廖發受奉

旨賞給白玉翎管決拾玉柄小刀荷包等件學啟旣回蘇醫治未愈越十餘日卒於軍蘇撫李鴻章奏言學啟深心遠畧所向克捷賊中常怖爲神兵實爲東南戰功第一事聞

朝廷震悼迭奉

特旨追贈太子太保銜照提督陣亡例從優賜卹議給騎都尉

世職

予謚忠烈戰功宣付史館立傳安慶蘇州嘉興建立專祠金陵克復

賜祭一壇追贈三等輕車都尉世職光緒二年大學士肅毅伯

直督李鴻章奏請以各世職併為二等男爵子建勳以

員外郎用兼襲三等男爵奏案咨文

阮應時字數可無為人任安廬道中軍守備征南山草

賊有功陞孟河守備順治己亥海寇犯汎斬獲甚多陞

四川冕山營都司州志

續修廬州府志 卷四十六 武功傳二

三五

朱維世字穉張號季約無為人康熙丙辰武科進士授

雲南守備陞江南江北運蘆都司為人質直有勇畧在

滇十餘年調兵訓苗無不稱善州志

徐起鰲字熊飛無為人祖籍合肥嘉慶二十四年官大

河衛千總勤於訓練進處州守備歷嚴州守備旋擢浙

江紹興府左營都司護甯波中軍印代理紹興協鎮事

道光二十一年以勦夷累著戰功升調四川成都府游

擊未赴任病發旋里卒采訪冊

翟岐鳳字宇聞巢縣人丁卯科武舉人壬戌進士官浙

閩督標守備閩省滿漢兵以萬計民被蹂躪苦不敢言

岐鳳嚴飭其下無敢犯閩俗貧多離婚捐俸使完娶閩

人德之制府知其能將超擢之會以疾告歸長子時淑
中式武舉縣志

沈必興字可樓巢縣人雍正王子武舉挑選營千總分
發浙江補水師營提標守備署溫州營游擊以扈衛

南

巡叙功授定海營游擊外洋海船出入黠者因緣爲奸民病
之必與嚴稽查無怙法者升乍浦營叅將歲旱布衣草
履徒行數十里禱龍神廟凡七晝夜大雨積勞疾卒於
官善書畫邑人多藏之采訪冊

劉崧字幹周巢縣人幼習儒業慷慨有大志由武庠授
京口高資營千總尋擢都司嘗爲營兵置義冢壬子陞
福山營游擊調任瓜州瓜州頻年多火患乃建北極閣

續修廬州府志

卷四十六

武功傳三

三

以厭鎮之戊午陞吳淞叅將時洋匪作慝所在騷擾崧
謂宜設兵以駐防會哨以策應軍府躡之嘉慶六年擢
京口水師副總兵以積勞成疾卒官采訪冊

張遇春字山樵巢縣人武舉咸豐二年髮逆竄巢縣集
團防東關旋從李鴻章攻含山七年帶勇二百餘擊退

捻匪大股於楊徐山十年帶春字營駐祁門擊髮賊於
羊棧嶺郤之同治元年從李鴻章至上海攻泗涇戰於

徐家滙斬其酋二年克福山攻婁縣之楓涇又戰於西
塘平洞庭東山及吳江之同里進攻蘇州破葑門盤門

賊壘三年四月傷發卒官至提督銜總兵資勇巴圖魯
奉

旨贈太子少保銜世襲騎都尉兼一雲騎尉子志邦從征江浙

積功官副將署皖南鎮總兵因傷隕命得卹通志縣志

周志本字立齋巢縣人咸豐間從張遇春禦捻匪大股

於楊徐山擊髮逆於羊棧嶺屢著戰功同治初調赴上

海攻泗涇克福山及常蘇等處皆有功後隨提督唐定

奎渡淮勦捻衝突賊圍衣袴皆洞穿叙功洊保提督加

綳僧額巴圖魯勇號光緒元年生番犯順率武毅左軍

等營航海進勦連攻芙蓉獅頭草霜等社身先士卒所

向克捷先後帶重傷二十餘處事平

賞穿黃馬褂駐防江陰五年三月傷發卒於軍奉

旨優卹采訪冊

續修廬州府志

卷四十六

武功傳三

三